



**Sámi allaskuvla**

Sámi University of Applied Sciences

## Sámi allaskuvlla válganjuolggadusat

Dohkkehuvvon Sámi allaskuvlla stivrras 13.12.2018, ášši S- 50/18.

Gielalaččat divvojuvvon 27.2.2019

Njuolggadusat leat mearriduvvon láhkavuođu vuođu

*Lov 2005-04-01-15*

*Lov om universiteter og høskoler (U/A-láhka)*

## Sisdoallolu

<b>KAP 1</b>	<b>Doaibmaguovlu ja doabageavaheapmi.....</b>	<b>2</b>
	§ 1 Njuolggadusaid doaibmaguovlu.....	2
	§ 2 Doabageavaheapmi ja definišuvnnat.....	2
<b>KAP 2</b>	<b>Stivra ja stivrra doaibmanáigodat .....</b>	<b>2</b>
	§ 3 Stivra ja stivrra sturrodat .....	2
	§ 4 Doaibmanáigodat.....	3
<b>KAP 3</b>	<b>Válgastivra .....</b>	<b>3</b>
	§ 5 Válgastivra.....	3
<b>KAP 4</b>	<b>Válgabiirret, jienastanvuoigatvuohta ja válgadohkálašvuohta.....</b>	<b>4</b>
	§ 6 Válgabiirret.....	4
	§ 7 Jienastanvuoigatvuohta ja evttohanvuoigatvuohta.....	5
	§ 8 Válgadohkálašvuohta – oppalaš ráddjen.....	5
	§ 9 Válgadohkálašvuohta rektorin ja prorektorin.....	5
	§ 10 Válgadohkálašvuohta bargiid áirrasin .....	5
	§ 11 Válgadohkálašvuohta studeanttaid áirrasin.....	6
	§ 12 Bargiid geatnegasvuohta vuostáiváldit válgga.....	6
	§ 13 Studeanttaid geatnegasvuohta doaibmat ámmáhis.....	6
<b>KAP 5</b>	<b>Válgaid čađaheapmi .....</b>	<b>6</b>
	§ 14 Válgááigodaga ja áigemeriid almmuheapmi.....	6
	§ 15 Jienastuslohku ja listu geat leat válgadohkálaččat.....	6
	§ 16 Nominašuvdnaproseassa.....	7
	§ 17 Lassinjuolggadusat rektora ja prorektora välljema oktavuodas. UH-lága § 10-2 vuodul, välljejuvnon rektor.....	8
	§ 18 Válgavuohki .....	8
	§ 19 Ovdagihtii jienasteapmi.....	8
	§ 20 Válgamálle .....	8
	§ 21 Jienaid lohkan .....	9
	§ 22 Jienaid árvoštallan ja sohkabeale balánsa.....	9
	§ 23 Válgaprotokolla.....	9
<b>KAP 6</b>	<b>Eará njuolggadusat.....</b>	<b>10</b>
	§ 24 Váidda.....	10
	§ 25 Luohpan válgááigodagas. Lasihanválgga .....	10
	§ 26 Ollislaš njuolggadusat .....	<del>11</del> 10
	§ 27 Fápmui bidjan.....	11

## KAP 1 Doaibmaguovlu ja doabageavaheapmi

### § 1 Njuolggadusaid doaibmaguovlu

Njuolggadusat gustojit čuovvovaš válggas Sámi allaskuvllas:

- Válljet rektora ja prorektora
- Válljet bargiid- ja studeantaáirasiid ja várrelahtuid allaskuvlastivrii
- Válljet áirasiid buot stivravuollásaš siskkáldas lávdegottiide mat gáibidit válgga

### § 2 Doabageavaheapmi ja definišuvnnat

1) *Válgabeaivi*: Válgga dáhton. Jus váлга bistá guhkit go ovtta beaivvi, de oaivilduvvo dat beaivi go váлга álgá.

2) *Ovdagihtijienasteapmi*: Jienastit ovdal válgabeaivvi.

3) *Jienastanlihtteválga*: Njuolggoválga, mas jienasteaddjit sáhttet jienastit čálalaččat mearriduvvon báikkiin ja áigodagas válgabeaivvi (-beivviid). Jienastanlihtteválggas galget jienastanlihpput biddjot jienastanlihttái dahje sullasaččat, maŋnil go lea dárkkistuvvon ahte jienasteaddjis lea jienastanvuogatvuolta. Dasto galgá registrerejuvvot go jienasteaddji lea jienastan.

4) *Elektrovnnalašválga*: Njuolggoválga mii čađahuvvo elektrovnnalaš veahkkeneavvuiguin.

5) *Eanetloguválga*: Válga, mas juohke jienasteaddji jienasta eanemusat dan logu go leat kandidáhta válggas, iige maŋŋalastá/sirre kandidáhtaid gaskkas. Dat kandidáhtta, gii oažžu eanemus jienaid, šaddá vuosttaš válljejuvvon áirras, sus geas leat nubbin eanemus jienat, šaddá nubbi válljejuvvon áirras jna. Eai leat persovnnalaš várrelahtut ja válljejuvvojit seamma ládje go dábálaš áirasat. Son gii oažžu eanemus jienaid, maŋnil go maŋemus dábálaš áirras lea válljejuvvon, šaddá vuosttaš várrelahtun., nubbi várrelahtun šaddá son geas leat nubbin eanemus jienat, maŋnil go maŋemus dábálaš áirras lea válljejuvvon jna.

## KAP 2 Stivra ja stivrra doaibmanáigodat

### § 3 Stivra ja stivrra sturrodát

1) Stivrras leat 11 áirasa:

- Rektora leat bargit ja studeanttat válljen
- Prorektora leat bargit ja studeanttat válljen

- Fágalašbargiid gaskkas välljejit ieža guokte áirasa, gč § 6
- Teknihkalaš- ja hálddabusbargiid gaskkas välljejit ieža ovtta áirasa
- Studeanttat välljejit guokte áirasa studeanttaid gaskkas
- Guokte olggobeale áirasa nammaduvvojit Máhttodepartemeanttas
- Guokte olggobeale áirasa ja okta várrelahttu nammaduvvojit Norgga Sámedikkis

2) Várrelahtun välljejuvvojit fágalašbargiid gaskkas guokte. Teknihkalaš- ja hálddabusbargiid gaskkas guokte ja studeanttaide gaskkas guokte várrelahtu. Olggobeale áirasiidda nammada departemeantta golbma várrelahtu ja Sámediggi ovtta, UH-lága § 9-4 (6) vuodul

3) Rektor lea stivrajođiheadji, gč U/A-lága § 10-1(1). Jus rektor ii leat čoahkkimis, de doaimá prorektor stivrajođiheadjin. Jus eará stivramiellahtut diedihit ahte eai boađe čoahkkimii, de gohččot várrelahtuid iešguđege joavkkus.

#### § 4 Doaimanáigodat

1) Doaimanáigodat rektorii, prorektorii ja eará stivramiellahtuide, geat välljejuvvojit bargiid gaskkas, lea njeallje jagi, gč U/A-lága §§ 10-2 (2) ja 9-4 (1). Doaimanáigodat álgá borgemánu 1. beivvi jus eará ii mearriduvvo.

2) Jus välljejuvvo sierra stivralahttu gaskaboddosaš fágalašbargiid gaskkas, de välljejuvvo dat ovtta jahkái, gč § 6 ja U/A-lága § 9-4 (2). Sin doaimanáigodat álgá dan beivvi rájis go leat välljejuvvon.

3) Studeanttaid stivralahtut välljejuvvojit ovtta jahkái, gč U/A-lága § 9-4 (3). Sin doaimanáigodat álgá dan beivvi rájis go leat välljejuvvon.

4) Várrelahtuid doaimanáigodat lea seamma guhká go dábálaš áirasiid, geaid ovddas doibmet stivrras.

### KAP 3 Válgastivra

#### § 5 Válgastivra

1) *Mandáhta ja čohkkehus.* Allaskuvllas galgá leat válgastivra, mii galgá ráhkkanit ja hálddašit válggaid, gustojeaddji njuolggadusaid mielde. Válgastivrras leat allaskuvladirektevra, bargiin áirras ja studeanttain áirras. Allaskuvladirektevra lea válgastivrra jođiheadji.

2) *Nammadeapmi.* Allaskuvlastivra nammada dan guokte áirasa, maid bargiid fágasearvvit ja studeantastivra leat árvalan. Goappáge árvalusas galget leat unnimus guokte nama, main sohka beali leat vuhtiiváldán. Goappaš áirasiidda galgá nammaduvvot várrelahttu.

3) *Doaibmanáigodat*. Válgastivrra doaibmanáigodat lea njeallje jagi. Seamma jagi go allaskuvlastivra lea válljejuvvon, nammada allaskuvlastivra ođđa válgastivrra. Válgastivrra doaibmanáigodat álgá ođđajagimánu 1. beaivvi dan boahttevaš jagi.

4) *Luohpan*. Jus okta válgastivrraáirasiin árvaluvvo allaskuvlastivrra áirasiin, de galgá son luohpat válgastivrras, ja várrelahttu galgá boahtit sadjái. Ođđa várrelahttu de nammaduvvo allaskuvlastivrras.

5) *Mearrádusat*. Válgastivrras lea mearridanváldi, go guovttis áirasiin oassálastiba čoahkkimis. Mearrádusat dahkkojit go lea eanetlohku. Go jienat leat dássálaga, de lea jođiheaddji jietna mii mearrida. Válgastivrra áirras sáhtta váidit válgastivrra mearrádusaid allaskuvlastivrii. Váidda ferte addot čálalaččat mañemusat beaivvi mañjil válgastivračoahkkima.

## KAP 4 Válgabiirret, jienastanvuoigatvuohta ja válgadohkálašvuohta

### § 6 Válgabiirret

- 1) Go rektora ja prorektora válljejit, de lohko juohke jienasteaddji oktan válgabiiren.
- 2) Go eará áirasiid válljejit, de leat válgabiirret čuovvovaččat:
  - *Fágalaš bargit*. Dáinna oaivvilduvvo bargit oahpahus- ja dutkanvirggiin Sámi allaskuvllas, gč Stáhtabargiid giehtagirjjis - bálkáplánat (*Statens personalhåndbok – lønnsplaner*) Jus fágalašbargiid gaskaboddosaš virggiin leat eambo go 25 proseanta fágalaš bargiin go jienastuslogu almmuheami áigemearri dievvá, de leat dát joavku sierra válgabiire. Sii galget fágalaš bargiin válljet nuppi dan guovtti stivralahtus ja várrelahtus
  - *Teknikkalaš ja hálddabus bargit*
  - *Studeanttat*
  - Stivravuollásaš siskkáldas lávdegottiid válgabiirret čuvvot lávdegottiid mandáhtaid
- 3) Definišuvdnii, guđe válgabiirii okta persovdna gullá, mearriduvvo virgáibidjanoktavuođas válgabeaivvi. Jus leažžá eahpádus guđe válgabiirii okta persovdna gullá, de válgastivra mearrida dan.

## § 7 Jienastanvuoigatvuohta ja evttohanvuoigatvuohta

- 1) Bargiin, geain lea unnimus 50 % fásta dahje gaskaboddosaš virgi, lea jienastanvuoigatvuohta. Bargit, geain lea virgelohpi bálkká haga, ii leat jienastanvuoigatvuohta.
- 2) Registrerejuvvon studeanttain, geat leat máksán lohkanbádjedivvaga, dan lohkanbadjái go válga čađahuvvo, lea jienastanvuoigatvuohta.
- 3) Bargis, geas lea jienastanvuoigatvuohta, ii sáhte seammás leat jienastanvuoigatvuohta studeantan.
- 4) Sus geas lea jienastanvuoigatvuohta lea maid evttohanvuoigatvuohta.

## § 8 Válgadohkálašvuohta – oppalaš ráddjen

li oktage sáhte ođđasit válljejuvvot rektorin, prorektorin dahje stivramiellahtun, jus son šattašii doaibman oktiibuot gávccii jagi doaimmas, go ođđa válgaáigodat álgá, gč U/A-lága §§ 9-4 (7) ja 10-2 (2).

## § 9 Válgadohkálašvuohta rektorin ja prorektorin

- 1) Sihke bargit ja olggobeale kandidáhtat leat válgadohkálaččat rektorin, gč U/A-lága § 10-2.

Rektorkandidáhtat galget máhttit sámegiela njálmmálaččat ja čálalaččat, ja sáhttit duođaštit gelbbolašvuođa unnimusat masteroahppodásis ja galgá leat jođiheaddjegelbbolašvuohta nugo hárváneapmi stivrabargguin dahje stivragnoskevaš bargguin.

- 2) Fágalaš bargit, unnimusat 50 % virggis, leat válgadohkálaččat prorektorin. Dán ámmáhii vurdojuvvo njálmmálaš ja čálalaš sámegiel máhttu.

## § 10 Válgadohkálašvuohta bargiid áirrasin

- 1) Bargit, geain lea jienastanvuoigatvuohta, leat válgadohkálaččat iežaset válgabires. Bargit, geain lea bargošiehtadus vassis áigemearrái, leat maid válgadohkálaččat dan áigodagas.
- 2) Čuovvovaš bargit eai leat liikká válgadohkálaččat:
  - Allaskuvladirektevra
  - Gaskajođiheaddjit, geain lea allaskuvladirektevra lagamus hoavdan

- Vuodđoovttadagaid jođiheaddjit (goahtejođiheaddjit/Instituttledere)

### § 11 Válgadohkálašvuolta studeanttaid áirrasin

Registrerejuvvon studeanttat, geat leat máksán lohkanbadjedivvaga dan lohkanbádjái goas váлга čađahuvvo, ja geat ain galget studeret allaskuvllas dan doaimmaáigodaga, leat válgadohkálaččat.

### § 12 Bargiid geatnegasvuolta vuostáiváldit válgga

- 1) Bargis, gii válljejuvvo ámmáhii, U/A-lága § 9-5, vuodul, lea geatnegasvuolta vuostáiváldit doaimma nu guhká go son lea válgadohkálaš ámmáhii, gč dán mearrádusa §§ 8, 9 ja 10.
- 2) Sus, geas juo lea leamaš ámmát, lea riekti beassat eret válggas dán seamma ámmáhii, seamma guhká go ieš lea doaimman doaimmas. Várrelahttu, gii lea oassalastan unnimusat beali stivračoahkkimiin váлгаáigodagas sáhtá gáibidit beassat stivramiellahtuválggas boahhte áigodagas.
- 3) Son, gii ii sáhte hoidet iežas doaimmaid ovttá ámmáhis váttisvuodaid haga dahje noađi dihte, sáhtá ohcat beassat eret válggas dahje joatkimis doaimmat ámmáhis.

### § 13 Studeanttaid geatnegasvuolta doaimmat ámmáhis

Studeanttas, gii vuostáiváldá válgga, lea geatnegasvuolta doaimmat ámmáhis olles dan áigodaga go son lea válgadohkálaš, gč njuolggadusa § 11. Sus, geas lea ámmát, galgá luohpat ámmáhis, go válgadohkálašvuolta nohká.

## KAP 5 Válggaid čađaheapmi

### § 14 Váлгаáigodaga ja áigemeiriid almmuheapmi

- 1) Buot válggat čađahuvvojit dábbálaččat giđđalohkanbájis, muhto manemusat ovdal golggotmánu 10. beaivvi.
- 2) Válgastivra mearrida válgabeaivvi ja áigemeiri man rádjái sáhtá árvalit kandidáhtaid.
- 3) Válgastivra mearrida jienastanbáikki(id) ja áigemeiri goas jienastit. Válgabeaivvi fertte jienastanbáiki leat rabas unnimusat guhtta diimmu gaskal diibmu 08.30 – 15.30.
- 4) Válgabeaivi almmuhuvvo unnimus njeallje vahkku ovdal. Almmuhusas čielggaduvvojit nominašuvdnanjuolggadusat ja movt čađahit válggaid.

### § 15 Jienastuslohku ja listu geat leat válgadohkálaččat

- 1) Allaskuvladirektevra dahje son, gean direktlevra nammada iežas sadjái, ovddida jienastuslogu.
- 2) Jienasteddjiid jienastuslohku ja listu, geat leat válgadohkálaččat iešguđege ámmáhii, galget almmuhuvvot unnimus golbma vahku ovdal válgabeaivvi.

## § 16 Nominašuvdnaproseassa

- 1) Válgastivra álggaha nominašuvdnaproseassa. Go bargiidáirasiid galgá välljet allaskuvlastivrii, de gohčču válgastivra sierra čoahkkimiidda fágalaš-, tehnikkalaš- ja hálddabusbargiid, gos juohke joavku vällje guokte luohhtámušolbmo válgii. Sii galget fuolahit ahte kandidáhtta árvalusat bohtet válgastivrii unnimusat guokte vahku ovdal válgga. Studeantaáirasiid välljemii galgá válgastivra bearráigeahččat ahte studeantastivra organisere studeanta nominašuvdna proseassa, dainna lágiin mii sihkarastá ahte kandidáhtta árvalusat bohtet válgastivrii unnimus guokte vahku ovdal válgga.
- 2) Nominašuvdnaproseassas ferte vuhtii váldit dásseárvolága gáibádusa, mas sohka beale balánsa galgá doalahit iešguđege válgabires: Go galgá välljejuvvot okta miellahttu ja okta várrelahttu seamma válgabires, de ferteba välljejuvvot goappáge sohka bealis. Go galget välljejuvvot guokte miellahttu seamma válgabires, de galgaba leat goappáge sohka bealis. Diet gáibádus guoská várrelahtuide maid.
- 3) Stivramiellahttu árvalusat galget čálalaččat addot válgastivrii, ja unnimusat okta jienasteaddji galgá vuolláičállán.
- 4) Rektor ja prorektor välljejuvvoba oktanaga. Árvalusas sáhttá leat sihke rektor ja prorektor kandidáhtta. Nominerejuvvon kandidáhtat galget miehtat válgavevttohussan, gč § 12 dán njuolggadusas.
- 5) Rektor/prorektor árvalusat galget čálalaččat addot válgastivrii, ja unnimusat guokte jienasteaddji galget vuolláičállán.
- 6) Olggobeale rektorkandidáhta árvalussii galgá dasa lassin mielddusin biddjot čálalaš miehtan, sus gii lea árvaluvvon, oktan su CV:in ja duodáštusaiguin. Miehtan ii sáhte gessot ruovttoluotta, gč U/A-lága § 9-5.
- 7) Válgastivra galgá ovtatmano dieđihit árvaluvvon kandidáhttii ahte son lea árvaluvvon, ja almmuhit árvalusa jienasteddjiide.
- 8) Go áigemearri árvalusaid buktit lea nohkan, de almmuha válgastivra buot árvaluvvon kandidáhtaid fárrolaga.



**§ 17 Lassinjuolggadusat rektora ja prorektora välljema oktavuodas.** UH-lága § 10-2 vuodul, välljejuvnon rektor.

- 1) Rektor ja prorektor välljejuvvoaba giđđalohkanbajis, áinnas cuoŋománus dahje miessemánus. Välljen čađahuvvo ovdal bargiidáirasiidvälljema allaskuvlastivrii.
- 2) Jus rektora dahje prorektora nominašuvnnas ii leat boahtán eará go okta árvalus ámmáhii, ja jus válgastivra veardida árvaluvvon kandidáhta dohkálažžan § 9 vuodul, de čađahuvvo válga dego livčče eanet kandidáhtat ámmáhii. Árvalus lea dohkkehuvvon jus olaha eanetlogu válggas, gč § 22 – 1 dain njuolggadusain. Jus ii oaččo eanetlogu, ovddiduvvo válgaboađus allaskuvlastivrii. Allaskuvlastivra sáhtta mearridit ahte ođđa válga galgá čađahuvvot.
- 3) Jus guokte kandidáhta ožžot seamma olu jienaid, de čađahuvvo ođđa válga. Jus nuppi válgavuorus fas ožžot kandidáhtat ovttá mađe jienaid, de ovddiduvvo válgaboađus allaskuvlastivrii árvoštallamii. Allaskuvlastivra sáhtta mearridit ahte ođđa válga galgá čađahuvvot.
- 4) Allaskuvlastivrras dáhkkovit mearrádusat jienasteami bokte, dábálaš eanetlohku.
- 5) Válgastivra galgá formálalaččat čállit válgabohtosiid beavdegirjái ja almmuhit dan. gč § 23.

## **§ 18 Válgavuohki**

Buot válggat čađahuvvojit dábálaččat elektrovnnalaččat muhto válgastivra sáhtta mearridit ahte válga čađahuvvo eará heivvolaš válgavugiin. Válgastivra sáhtta mearridit ahte siskkáldas lávdegottiid válggat čađahuvvojit akklamašuvnna bokte goahtečoahkkimis dehe eará čoahkkimis mii čohkke válgabiire miellahtuid.

## **§ 19 Ovdagihtii jienasteapmi**

Jienasteddjiide, geat eai sáhte jienastit válgabeaivvi, galgá addot vejolašvuohta ovdagihtii jienastit diibmu 12.00 rádjái beaivvi ovdal válgabeaivvi. Vejolašvuohta ovdagihtii jienastit galgá rahppot beaivvi maŋŋil go válgastivra lea almmuhan kandidáhttalistu.

## **§ 20 Válgamálla**

- 1) Buot válggat galget leat eanetloguválga, gč § 2.

- 2) Go oktanis galgá välljejuvvot sihke rektor ja prorektor, de leat kandidáhtat geat jienaid árvoštallamis § 22 ektui oažžuba eanemus jienaid, välljejuvvon doaimmaide.
- 3) Go galgá välljejuvvot okta kandidáhtta seamma válgabires, de lea dat kandidáhtta gii lea eanemus jienaid ožžon välljejuvvon áirrasin. Son gii nubbin eanemus jienaid lea ožžon, lea välljejuvvon várrelahttun. Jus galget välljejuvvot guokte várrelahtu, de lea son gii goalmmádin eanemus jienaid lea ožžon, välljejuvvon nubbin várrelahttun.
- 4) Go galget välljejuvvot guokte áirasa seamma válgabires, de leaba dat guokte kandidáhta geat leaba ožžon eanemus jienaid, välljejuvvon áirrasin. Son, gii lea goalmmádin eanemus jienaid ožžon, lea välljejuvvon vuosttaš várrelahttun. Son, gii njealjádin eanemus jienaid lea ožžon, lea välljejuvvon nubbin várrelahttun.

## § 21 Jienaid lohkan

Válgastivra lohká jienaid ja árvoštallá daid jus dárbbášlaš. Allaskuvladirektevra dahje su sadjásaš jođiha jienaid lohkama.

## § 22 Jienaid árvoštallan ja sohka beale balánsa

- 1) Rektora ja prorektora välljemis galget jienat deattuhuvvot čuovvovaš čovdosiin:
  - Fágalaš bargit: 55 %
  - Teknihkalaš ja hálddahusbargit: 20 %
  - Studeanttat: 25 %
- 2) Allaskuvlastivrras galgá leat unnimusat 40 % ovddasteapmi goappaš sohka bealis. Juohke válgabires galget goappaš sohka bealit ovddastuvvon, gč U/A-lága § 9-4 (8) ja dásseárvoláhka § 21.
- 3) Jus jienaid lohkan čájeha, ahte nuppi sohka beallái šaddet unnit áirasat go 40 %, de manná dan sohka bealis áirras mii lea jienastuvvon, ovdalii, dassá go sohka bealit šaddet dásálaga. Lea válgastivra mii čađaha dan.

## § 23 Válgaprotokolla

- 1) Beavdegirji galgá čállot válggas ja jienaid lohkamis. Beavdegirjji galget válgastivrra miellahtut vuolláičállit/dohkkehit elektrovnnalaččat.
- 2) Allaskuvladirektevra almmuha válgabohtosiid dakkaviđe go válgabođus lea loahpahuvvon ja beavdegirji lea vuolláičállon.

- 3) Válgga jienastuvvon jienastanlihpuid galgá vurket boahtte válgga rádjái.

## **KAP 6 Eará njuolggadusat**

### **§ 24 Váidda**

- 1) Son, geas lea jienastanvuoigatvuohta válggas, sáhttá váidit formálalaš boasttuvuođaid.
- 2) Son, geas lea dán njuolggadusa mielde jienastanvuoigatvuohta, muhto ii leat mielde jienastuslogus, sáhttá váidit dan. Áigemearri váidit jienastuslogu lea guokte váhku ovdal válgga. Váidda meannuduvvo ja mearriduvvo válgastivrras. Váidda ferte leat čálalaš.
- 3) Válgabohtosa váidda ferte boahit čálalaččat válgastivrii maŋemusat vahku maŋgil, go válgabođus lea almmuhuvvon. Válgastivra sáhttá mearridit galgá go ođđasit lohkat jienaid dehe ođđa válgabođus.
- 4) Jus válgastivra ii oainne dárbbu vuhtiiváldit váidaga, de galgá dat dakkaviđe biddjot allaskuvlastivrii mearridit.
- 5) Jus váлга šaddá nuppes čađahuvvot, de leat sii guđet leat välljejuvvon, lobálaččat välljejuvvon, dassáži go ođđa váлга čađahuvvo.

### **§ 25 Luohpan váлгаáigodagas. Lasihanváлга**

- 1) Son, geas lea luohhtevašvuođaámmát, galgá luohpat go válgadohkálašvuohta nohká, gč U/A-lága § 9-5 (2).
- 2) Son, guhte heaitá iežas virggis dahje heaitá studeantan, luohpá stivrras ja su sadjái boahťa várrelahttu dakkaviđe go son heaitá. Bargiidáirasat, geat ožžot virgelobi bálkká haga, heitet stivrras, dan botta go lea virgelohpi. Várrelahtut šaddet de fásta áirrasin virgelobi áigodaga.
- 3) Jus rektor heaitá ovdal go doaibmanáigodat nohká, de galgá ođđa rektor välljejuvvoť. Jus rektor ii sáhte boahťit čoahkkimii dahje heaitá maŋemus jagi doaibmanáigodagas, de váldá prorektor ámmáha badjelasas, gč U/A-lága § 10-5.
- 4) Jus prorektor ii sáhte boahťit čoahkkimii dahje luohpá ámmáhis maŋemus jagis doaibmanáigodagas, nammada rektor sadjásaš prorektora bargiid gaskkas, geat leat oahppo- ja dutkanvirggiin. Jus prorektor luohpá dan maŋemus jagis doaibmanáigodagas, de galgá ođđa prorektor välljejuvvoť.

## § 26 Ollislaš njuolggadusat

- 1) Stivra sáhtta addit lagabui čilgehusa dán njuolggadusa čađaheami birra.
- 2) Válganjuolggadusat galget árvvoštallot ja ođasmahttot unnimusat okte guovtti váldoválgaáigodagas (rektor/prorektorválga)

## § 27 Fápmui bidjan

- Dát njuolggadus biddjo fápmui seamma beaivvi go lea dohkkehuvvon allaskuvlastivrras ja buhte válganjuolggadusaid 13.06.2009, ášši S 04/09 ja válganjuolggadusaid 11.2.2015, áššis -08/15.